



Inatsisartunut ilaasortaq Harald Bianco, Inuit Ataqtigiit  
 MAANI

**Appat mitillu eqqisisimatitsiviusoq piniagaasarnerisalu killilersorneqarnerat pillugit Naalakkersuisut allannguinnissamik eqqarsaatersuuteqarnerisut apequt nr. 147-mut akissuteqaat.**

Inatsisartut suleriaasianni § 36, imm. 1 naapertorlugu appat mitillu eqqisisimatitsiviusoq piniagaasarnerisalu killilersorneqarnerat pillugit apequteqarputit. Apequt ulloq 19. november 2009 uannut innersuunneqarpoq uannit akineqartussanngorlugu.

J.nr. 01.28.09  
 2009-147  
 26. november 2009  
 Postboks 269  
 3900 Nuuk  
 Oq/tel +299 34 50 00  
 Fax +299 32 47 04  
 apnn@gh.gl  
 www.nanoq.gl

*1) Appat mitillu piffissat piniagaaffii sumiiffinni ilaatigut allanngortinneqarsinnaaneriniq Naalakkersuisut qanoq eqqarsaatersuuteqarpat?*

*1)-mut*

Timmissanut suleqatigiisitaq siammasissumik inuttalersorneqarsimasoq 2008-mi taamanik-kut Naalakkersuisusunut arlalinnik innersuussuteqarpoq, taakkulu annertuner-saat timmissat illersorneqarnerat piniarneqarnerallu pillugit nalunaarusiami maan-nakkut atuuttumi tunngaviupput. Taamaammat Naalakkersuisut maannamut atuu-tereersut eqqaassanngikkaanni massakkorpiaq pilersaaruteqanngillat susassaqaq-figisanik ingerlatsinermi piffissanik eqqisisimatitsiviusunik ataasiakkaanik allannguinnissamut.

Tassunga atatillugu oqaatigineqassaaq, Tunumi appanniarsinnaatitaaneq 1. septemberimii 28./29. februar tungaanut ingerlanneqartarmat, kisiannili tamanna Ittoqqortoormiut aqutsiveqarfiani 31. maj tungaanut sivitsorneqarnikuulluni.

Miterniarsinnaatitaaneq 15. oktoberimii 31. marts tungaanut ingerlanneqartarpoq, kisianni taamatulli Ittoqqortoormiut aqutsiveqarfiani aamma 31. maj tungaanut sivitsorneqarnikuulluni. Taamaattumik Nunatta avannaata kitaa assigalugu piffissamut piniarfiusumut annertuumik sivitsuineruvoq Nunatta sinneranut sanilliullugu.

Tunumi iluaqutigineqarsinnaasut allat eqqaassagaanni oqaatigineqarsinnaavoq, nunap sinneranut sanilliullugu nerlerit siggukitsut nerlernallu qaammammik ataasimik sivisunerusumik piniarneqarsinnaammata, taamatuttaarlu Ittoqqortoormiut aqutsiveqarfiani appaliarsunnik piaqqanillu piniarsinnaatitaneq kiisalu manninnik katersisinnaatitaaneq ukioq naallugu ingerlanneqartarluni.

2) Tunumi appat mitillu piniagaasarnerisa killilersorneqarnerat allanngortinneqalersaarneqarpa?

2)-mut

Naalackersuisut piniagassat killilersugaanerannik maannamut Tunumi imaluunniit Kalaallit Nunaat tamakkerlugu atuuttunik allannguissamut pilersaaruteqanngillat. Tunumi miteqassuseq annertugisassaangilaq, tamannalu upernaakkut piniartarnerup sivitsugaareerneranut naleqqiunneqassaaq. Taamaammat pinngortitalerisut siunnersuutaat aallaavigalugu massakkorpiaq periarfissaqanngilaq pisassiissutiniq qaffaanissamut.

Appaqassutsimut naliliineq suli annertugisassaanginneruvoq. Maluginiarneqarpoq Tunumi appariaat piffissami 1974-imiit 1995 tikillugu 68 %-it missaaniissimasoq – appariaat 2004 tungaanut ingerlaannarsimavoq, kisitsineq kingulleq ingerlanneqarmat. Altantikup avannarpasissua tamaat isigalugu appaqassutsip appariaartornera, kiisalu appat aatsaat 4-5-inik utoqqaassuseqaleraangamik piaqqiortarnerat piaqqiorfiullu ataatsip iluani ataasiinnarmik mannilisarnerat eqqarsaatigalugit, ukiut tulleriat iluanni pisassiissutiniq qaffaanissaq ilimanaateqanngilaq.

Ilisimatitsissutigisinnaavara, Timmissanut Suleqatigiisitaq suliassat allat pillugit innersuussutaasoq kingulleq tunngavigalugu sulileqqittussaammat, assersuutigalugu amerlasuunik atuisarneq pillugu apeqquut, sumiiffiit piniarfiunngitsut aammalu timmiaqarfinni teriannianik naleqqussaaniissaaq. Suleqatigiisitami KNAPK, TPAK aamma KANUKOKA sinniisuutitaqarput, taamaasillutik atuisut periarfissaqarput, ilisimasamik tungaasigut immersueqataanissaminut.

Inussiarnersumik inuulluaqqusillunga

Ane Hansen

Aalisarnermut, Piniarnermut Nunalerinermullu Naalackersuisoq